

SULERIAASSISAAQ

Meeqqanut, Ilaqutariinnut Atuartitaanermullu Ataatsimiititaq

Kommunit aqunneqarnerat pillugu Inatsisartut inatsisaat nr. 29, 17. novembari 2017-imeersumi § 24 aamma § 25 naapertorlugit, tulliuuttuni aqutsinermut inatsimmi taaneqartumi, aalajangersarneqarpoq:

Ataatsimiititaq sulinera

- § 1. Aqutsinermut inatsit aamma Kommuneqarfik Sermersuumi Aqutsinermut ileqqoreqqusaaq naapertorlugit, ukiumoortumik missingersuutini killiliussat iluini akuersissutigineqartut, kommunalbestyrelsillu akuersissutigisai naapertorlugit ataatsimiititaq susassaqrarfiit suliakkiutigineqartut isumagissavai. Ataatsimiititaq suliani, inatsit naapertorlugu aamma ataatsimiititamut suliakkiutigineqartunut aalajangiisassaaq.

Siulittaasussamik tullissanillu toqqaaneq

- § 2. Ataatsimiititaq nutaamik qinerneqartoq piffissap suliffiusussap aallartinnginnerani inissitsiterfiusumik ataatsimiissaaq. Ilaasortaq sivisunerpaamik kommunalbestyrelsimut ilaasortaasimasooq ataatsimiinnissamut ataatsimiigiaqqusisuuassaaq. Arlallit sivisoqatigiimmik ilaasortaasimappata, taakkunannga angajulleq ataatsimiigiaqqusisuuassaaq.

Imm. 2. Inissitsiterfiusumik ataatsimiinnermi ataatsimiititami namminermi siulittaasumik amerlanerussuteqarnikkut qinersisoqassaaq, aqutsinermut inatsimmi § 27, imm. 1 naapertorlugu. Qinersineq ataatsimiinnissamut qaaqqusisumit ingerlanneqassaaq.

Imm. 3. Siulittaasumik qinersisoqareerpat, ataatsimiititaq aalajangissavaa siulittaasup tullianik qinersisoqassanersoq. Taamaattoqassappat qinersineq siulittaasumit aqunneqassaaq, taannalu pisinnaanngippat, siulittaasumik qinersinermi aqutsisoq qinersinermik aqutsissaaq. Qinersineq siulittaasumik qinersinermi malittarisassat assingi malillugit ingerlanneqassaaq.

Imm. 4. Siulittaasup sivikitsumik ataatsimeeqataannginnerani siulittaasup tullia ataatsimiinnermi aqutsisuuassaaq. Siulittaasup sinniisussaa ataatsimiigiaqquneqarpat, taanna ataatsimiititami ilaasortatut inississaaq.

Imm. 5. Qinigaaffiup naannginnerani siulittaasoq tunuassappat, imm. 2-mi periuseq nassuiaatigineqartoq naapertorlugu, ataatsimiititaq siulittaasussaminik nutaamik qinersissaaq.

Imm. 6. Ataatsimiititaq siulittaasua ataatsimiititaq ataatsimiinnerini najuulluni peqataanissamut periarfissaqarpoq. Angalanermut ineqarnermullu aningaasartuuteqassappat, kommunimit aningaasartuutit isumagineqassappat.

Ataatsimiititaliap ataatsimiittarnissai

§ 3. Ataatsimiititap sulinini ataatsimiinnerni ingerlatissavaa. Ataatsimiititap ataatsimiinneri matoqqasuupput.

Imm. 2. Ataatsimiititap ataatsimiittarnissamini piffissaq nammineq aalajangersassavaa.

Imm. 3. Pisariaqavissumik ataatsimiinnissanik kinguartitsineq aammalu immikkut ittumik ataatsimiinnerit pisassapput siulittaasup pisariaqartikkaangagu, imaluunniit ikinnerpaamik ilaasortat pingajorarterutaasa tamanna piumasarigaangassuk. Immikkut ittumik ataatsimiinnerit sapinngisamik piumasaqaatigineqarneranit kingusinnerpaamik ullut tallimat qaangiunnerini pisassapput. Siulittaasup aalajangertassavaa immikkut ittumik ataatsimiinnissat qaqugu sumilu pinissaat.

Imm. 4. Ilaasortaq ataatsimeeqataasinnaanngippat, ilaasortap sinniisussaa ilaasortap ataatsimeeqataasinnaannginnera tamaat ataatsimeeqataasassaaq. Ilaasortaq ataatsimiititap ataatsimiinneranut peqataasinnaanngikkuni tamanna ataatsimiititami siulittaasumut allakkatigut sapinngisamik piaartumik nalunaarutigissavaa taassumalu assinga ataatsimiititami ataqatigiissaarisumut nassiullugu uunga kommuneqarfik@sermersooq.gl, aamma kingusinnerpaamik ataatsimiinnissaq ullunik marlunnik sioqqullugu, tamanna ajornanngippat, peqataasinnaannginnermut pissutaasoq kiisalu peqataasinnaannginnerup sivilissusua nalunaarutigissavai.

Imm. 5. Matumani peqquteqarluni peqataasinnaannginnermi makku pineqarput napparsimaneq, naartuneq, ernineq, meeravissiartaarneq, inuiaqatigiinni sullissisussaatailluni pisussaaffiligaaneq, inuutissarsiutini assigisaalluunniit.

Imm. 6. Ataatsimiinnerit ataasiakkaat tamaasa aalajangiinnernut imaqarniliornerni ilaasortat kikkut peqataasimannginnerat aamma sinniisoq kina paarlattaalluni peqataasimasinnaasoq pillugit allanneqartassapput.

Imm. 7. Sinniisussap ataatsimiigiaqquneqarnissaa kissaatigineqarpat ilaasortap allakkatigut ataatsimiititami ataqatigiissaarisooq mailimut uunga kommuneqarfik@sermersooq.gl nalunaarfigissavaa.

Imm. 8. Kommunaldirektørip ataatsimiititali imaqarniliortuata ataatsimiinnerit najuuffigissavaat, ataatsimiititaq allamik aalajangiisimanngippat. Ataatsimiititaq isumaqarpat suliamut tunngatillugu paasissutissiissuteqartoqassasoq, inuit allat, kommunimi atorfeqartut, ataatsimiinnermi najuussinnaapput.

Imm. 9. Ataatsimiititap kommunimi sulisuunngitsunik suliap suliarinerani aggersaasinnaapput, suliap paasissutissiiffiginissaanut tamanna kissaatigineqarpat.

Oqaluuserisassat suliallu saqqummiunnegarneri

§ 4. Ataatsimiititap siulittaasua ataatsimiinnissamut oqaluuserisassaliussaaq, ilaasortanillu ataatsimiinnissamut ataatsimiigiaqqusilluni. Ileqqusumik ataatsimiinnissanut oqaluuserisassat aammalu suliat suliarineqarnissaanut paasissutissat pisariaqartut sapinngisamik ataatsimiititamut ilaasortanut ataatsimiinnissaq kingusinnerpaamik ulluinnarnik tallimanik sioqqullugu nassiunneqassapput.

Oqaluuserisassat ilanngussallu politikerit isaavianni elektroniskiusumi pissarsiarineqarsinnaapput, atortorissaarut taanna aqqutigalugu politikerit ataatsimiinnerni atugassaas passunneqartarput.

Imm. 2. Immikkut ittumik ataatsimiinnissamut ataatsimiigiaqqusineri siulittaasoq suliassanik ataatsimiinnermi suliarineqartussanik sapinngisamik annertunerpaamik ilaasortanut ilisimatitsissuteqassaaq.

Imm. 3. Ilaasortaq kinaluunniit ataatsimiinnerup aallartinnerani ullormut oqaluuserisassani oqaaseqarumasinnaavoq.

Imm. 4. Aalajangiussassatut siunnersuummik oqaluuserisassat nassiunneqareernerisa kingorna aatsaat nassiussisoqassagaluarpat, oqaluuserisassanulli ilanngunneqarsinnaasumik, tapiliussatut oqaluuserisassanngortinneqassaaq, taannalu oqaluuserisassat nalinginnaasumik nassiunneqartarnerisulli malittarisassat assingi malillugit ilaasortanut nassiunneqassaaq. Tapiliussatut oqaluuserisassanik nassiussinerni immikkoortoq imaluunniit immikkoortut ileqquusumik ataatsimiinnermi oqaluuserisassani ilanngunneqarsimannginnerannut tunngavilersuutit tamatigut ilanngunneqartassapput.

Imm. 5. Suliaq ileqquusumik oqaluuserisassanut imaluunniit oqaluuserisassanut tapiliussatut ilanngunneqanngitsaq suliassaq kinguartinneqarsinnaanngippat suliarineqarsinnaavoq.

Imm. 6. Suliat, ataatsimiititamut saqqummiunneqannginneranni naammattumik erseqqissarneqarsimanersut, siulittaasup nakkutigissavaa.

Kommunalbestyrelsimut ilaasortat oqaluuserisassanngortitsisinnaatitaanerat

§ 5. Ataatsimiititamut ilaasortaq kinaluunniit ataatsimiititap susassaqarfii pillugit Ataatsimiititamut suliassanngortitsisinnaavoq. Oqaluuserisassanngortitsineq § 4 naapertorlugu pisassaaq. Suliaq oqaluuserisassanngortinneqarpat, suliaq suliareqqinnissaa pillugu Ataatsimiititaq ataatsimiinnermi aalajangiissaaq. Aalajangiussassatut siunnersuutit ilanngunneqarsimasunut aamma tamanna atuuppoq.

Imm. 2. Ilaasortap suliamik oqaluuserisassanut ilanngussinissamik kissaatigisaanik Ataatsimiititaq itigartitsissinnaavoq, suliaq siusinnerusukut Ataatsimiititap suliarisimasaanut assingusuuppat. Itigartitsinerli pisinnaanngilaq suliame paasissutissanik nutaanik peqarpat, imaluunniit oqaluuserineqarnerani kingullermi tunngaviatigut annertuumik allannguuteqartoqarsimappat.

Imm. 3. Ilaasortap siunnersuutaa Ataatsimiititap tulliani ataatsimiinnissaa sioqqullugu Pisortaqatigiit Allatseqarfianut mailikkut uunga nassiunneqassaaq kommuneqarfik@sermersooq.gl piffissaalluartillugu tunniunneqassalluni, suliame paasissutissat aamma Ataatsimiititamut inassuteqaasiornissaa siunertaralugit. Ilaasortaq ataatsimiinnissaa kingusinnerpaamik ulluinnarnik 12-inik sioqqutsilluni suliassamik allakkatigut oqaluuserisassanngortitsiumasimappat, suliassaaq ataatsimiititami siulittaasumit ataatsimiinnissamut oqaluuserisassanut ilanngunneqassaaq.

Aalajangiisinnaatitaaneq, ataatsimiinnermik agutsineq suliallu saqqummiunneqartarnerat

§ 6. Ataatsimiititaq aalajangiisinnaassuseqarpoq ilaasortat ikinnerpaamik affaat peqataappata (aqutsineq pillugu inatsimmi § 28, imm. 1 naapertorlugu). Aalajangiinerit tamarmik amerlanersuteqarnikkut aalajangerneqartassapput.

Imm. 2. Ataatsimiititap ataatsimiinneri siulittaasumit aqunneqassapput. Siulittaasup peqannginnerani ataatsimiinneq siulittaasup tullianit aqunneqassaaq, imaluunniit siulittaasup tulliaata peqannginnerani ataatsimiititami ilaasortap kommunalbestyrelsimut sivisunerpaamik ilaasortaasimasup ataatsimiinneq aqussavaa, imaluunniit, arlaqartut sivisoqatigiimmik ilaasortaasimappata

Ataatsimiinnermi aqutsisup isumaqatiginninniarnep aqunneqarneranut apeqquiti tamaasa aalajangiiffigisassavai. Ilaasortaq kinaluunniit ataatsimiinnermi aqutsisup suleriaatsimi aalajangersakkanik paasinnissinnaaneq tunngavigalugu aalajangiineranik malinnissinnaatitaagallarpoq.

Imm. 3. Suliat siulittaasup tulleriiaarinissamik aalajangiinera naapertorlugu suliarineqassapput, taamaasillunilu oqaluuserisassani tulleriiaarisimaneq sanioqutsissinnaallugu. Kisianni, ataatsimiititami ilaasortap ataatsip kissaatigippagu, suliat qanoq tulleriiaarneqarlutik suliarineqassanersut, ataatsimiititap aalajangissavaa.

Imm. 4. Siulittaasoq, aqutsinermut inatsimmi § 27, imm 2 naapertorlugu, ataatsimiititaq sinnerlugu sulianik kinguartinneqarsinnaanngitsunik, imaluunniit nalornissutaasinnaanngitsuni, aalajangiisinnaatitaavoq.

Imm. 5. Immikkoortut taasissutigineqartussat siulittaasup oqaasertalersussavai.

Imm. 6. Ilaasortaq kinaluunniit, aqutsinermut inatsimmi § 27, imm 3 naapertorlugu, siulittaasup ataatsimiititami sulinera pillugu sunilluunniit apeqquiteqaateqarsinnaatitaavoq, aammalu ataatsimiititap paasissutissanik piumasaqaataanik tamanik siulittaasoq paasissutissiissaaq. Siulittaasoq sutigut tamatigut ataatsimiititap aalajangersimasaanik naapertuisussaataavoq.

Imm. 7. Ataatsimiititami ilaasortaq kinaluunniit aqutsinermut inatsimmi § 30 naapertorlugu, ataatsimiinnermi aalajangerneqartumik unitsitsisinnaatitaavoq, ataatsimiinnermi, aalajangernissaq kommunalbestyrelsimut aalajangiiffigisassanngortillugu aalajangiinermut imaqarniliamut nalunaarutigalugu.

Imm. 8. Ilaasortap ataatsimiititami siulittaasoq ilisimatittassavaa pissutissaqarpat suliani aalajangersimasuni suleqataasinnaanermi apeqquitinngortitsisinnaasunik. Aqutsinermut inatsimmi § 38 naapertorlugu ataatsimiititami aalajangerneqartassaaq ilaasortaq imatut soqutigisaqarnerisooq, ilaasortaq ataatsimiititap suliamik suliarinninnerani peqataasinnaannginnerisooq imaluunniit peqataasinnaanersooq. Taama ittoqartillugu pineqartoq suliaq pillugu isumaqatiginninniarnemi taasinermilu ataatsimiiffimmiit anissaaq taamaattoqli suliaq pineqartup eqqartorneqarnerani ilaasortaq anissanersooq pillugu ataatsimiititap isumaqatiginninniarnep taasineranilu peqataasinnaalluni.

Imm. 9. Ilaasortat sinniisussallu ataatsimiititami taasineri aatsaat peqataasinnaapput, najuullutik ataatsimeeqataagunik imaluunniit tele attaveqaatit ikiorsiullugit ataatsimeeqataagunik, aqutsinermut inatsimmi § 28, imm 1 naapertorlugu.

Imm. 10. Oqaluuserisassat, oqaluuserisassatut siunnersuutit paasissutissallu kommunimi allaffeqarfiimmit suliarineqarsimasut kalaallisut qallunaatullu suliarineqarsimassapput, ilanngussat allallu paasissutissat kommunip avataanit suliarineqarsimasut taakku oqaasii atorlugit suliarineqarsimanerisut saqqummiunneqassapput.

Aalajangerit pillugit imaqarniliaq

§ 7. Ataatsimiititap siulittaasuata akisussaaffigaa, ataatsimiititami aalajangerneqartut aqutsinermut inatsimmi § 28, imm. 3. naapertorlugu aalajangernermut imaqarniliamut allanneqarnissaat. Ilangunneqartut atuarneqareerpata imaqarniliaq ataatsimiinneq naammassippat ilaasortanit ataatsimiinnermi najuuttunit akuerineqassaaq atsiorneqarlunilu. Atsiornerit sapinngisamik politikerit isaaviat elektroniskiusoq aqutugalugu pisassaaq, taanna politikerit ataatsimiinnerni atortussaannik isumaginnittuuvoq. Ilaasortaq ataatsimiinneq tamakkerlugu ataatsimeeqataasimanngippat, imaqarniliamut allanneqassaaq, immikkoortuni sorlarni ataatsimeeqataasimannginnersoq, piffissallu qanoq ilinerani ataatsimeeqataasimannginnersoq.

Imm. 2. Suliap qanoq ittuussusaa apeqqutaalluni, imaqarniliami allanneqassaaq, ilisimatitsissutit tusaatissatut tiguneqartut, oqaluuserisassat oqaluuserineqartut imaluunniit aalajangiiffigisassani ataatsimiititap aalajangiinera.

Imm. 3. Ilaasortaq kinaluunniit allatut isumaqaruni imaqarniliamut allattaavimmut allaanerumsumik isummaminik allaqquisinnaatitaavoq. Naatsumik oqaaseqaateqarneq titarnernik 3-4-nik nalilernerqarpoq. Ilaasortap taassuma suliap nassiunneqarneranut ilanngussinnaavaa isummernerminut tunngaviliussani (aqutsineq pillugu inatsimmi § 25, imm. 4 naapertorlugu). Ikinnerussuteqarluni oqaaseqaatigiumasat ilaasortamit oqaasertalersorneqassapput ullorlu taanna mailikkut imaqarniliortumut nassiullugit.

Imm. 4. Ilaasortaq taasisimanini allamilluunniit peqquteqarnini innersuussutigalugu, aalajangernermut imaqarniliamut atsiorumangissinnaavoq.

Imm. 5. Siulittaasup aalajangernermut imaqarniliap toqqorneqarnissaa qulakkiissavaa, ataatsimiinnerlu naammassereerpata piaarnerpaamik ataatsimiititami ilaasortat sinnerinut aammalu imaqarniliamik tunineqartussaataasunut assinganik nassiussinissaq qulakkiissallugu.

Nipangiussisussaataaneq

§ 8. Ataatsimiititami ilaasortat nipangiussisussaataapput, tamanna pillugu inatsimmi malittarisassat naapertorlugit.

Imm. 2. Ataatsimiititap ataatsimiinneri matoqqasuupput, eqqartorneqartullu allamut ingerlateqqitassaannigitsutut isigineqarput. Ataatsimiititap aalajangerneri tamanut nalunaarutigineqarsinnaapput, kisianni paasissutissat nipangiussisussaataanermit tunngasut pinnagit.

Imm. 3. Ilaasortaq kinaluunniit paasissutissiisinnaatitaavoq, nammineq qanoq oqaaseqarsimanerminik taasisimanerminillu, nipangiussisussaataanermit tunngasut kisiisa pinnagit.

Ataatsimiititap aalajangerinerinik suliaqarneq piginnaatitaaffinnillu agguaassineq

§ 9. Siulittaasup qulakkiissavaa ataatsimiititap aalajangerinerisa naammassineqarnissaat. Siulittaasup nakkutigissavaa, suliat arlaannaalluunniit pisariaqanngitsumik kinguarsarneqassanngitsut.

§ 10. Ingerlatsiviup siulittaasullu aalajangiisinnaatitaanerit ataatsimiititami aalajangiisoqarneratigut agguataarneqassapput, aammalu inatsimmi atuuttumi malittarisassat malinneqassapput.

Imm. 2. Ataatsimiititami isumaqatigiinnikkut suliat aalajangersimasut imaluunniit suuneri apeqqutaatillugit siulittaasumut suliaqutiginneqarsinnaapput. Ataatsimiititaq ataatsimiititami ilaasortanut allanut/kommunalbestyrelsimut siulittaasup saniatigut piginnaatitsisinnaatitaanngilaq.

Imm. 3. Ataatsimiititaq amerlanerussuteqalaarnikkut suliassanik aalajangersimasunik suunerilu apeqqutaatillugit ingerlatsivimmut suliaqutiginneqarsinnaavoq.

Imm. 4. Ataatsimiititami siulittaasumut ingerlatsivimmullu piginnaatitsilluni aalajangerinerit allattorsimaffimmut immikkut nalunaarsorneqartassapput. Allattorsimaffimmi erseqqissumik allassimassaaq, suliassat suut siulittaasumut aammalu suliassat suut ingerlatsivimmut piginnaatitsissutiginneqarsimanersut. Aamma allassimassaaq ulloq suna aalajangertoqarnerisooq, taamaasilluni suliaq ajornanngitsumik nassaarineqarsinnaaniassammat.

Suleriaasissami allannguutit

§ 11. Suleriaatsimi allannguutit tapiliussallu ataatsimiititap ileqquusumik ataatsimiiffissaani oqaluuserineqassapput.

Atuutilersitsineq

§12. Suleriaasissaaq aggustip 21-iani 2025-mi atuutilerpoq.

Meeqqanut, Ilaqutariinnut Atuartitaanermullu Ataatsimiititap ulloq aggustip 21-iani 2025-mi ataatsimiinnerani akuersissutiginneqarpoq.

Meeqqanut, Ilaqutariinnut Atuartitaanermullu Ataatsimiititami Siulittaasooq
Poul Petersen